



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1353/12
Sarajevo, 10.7.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-07-2013			
Organizaciona jedinica	Klasifikaciona oznaka	Redni broj	Broj prijema
02-50-6-16			28/13

PARLAMENTARNA SKUPŠTINA BIH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na izaslaničko pitanje koje je postavio Krunoslav Vrdoljak, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1353/12
Sarajevo, 10.7.2013. godine

Krunoslav Vrdoljak, delegat u Domu naroda Parlamentarne skupštine Bosne i Hercegovine na 28. sjednici Doma naroda Parlamentarne skupštine, održane 16.04.2013. godine, postavio je sljedeće pitanje:

„Na godišnjoj razini u Livanjskom kantonu proizvede se oko 1200 tona livanjskog sira. Plasira se, najvećim dijelom, u turističke destinacije Srednjeg Jadrana u Republici Hrvatskoj. U toj proizvodnji direktno ili indirektno angažirano je preko 800 djelatnika. Od 01.07. ove godine izvoz livanjskog sira u cjelosti je onemogućen, a egzistencija čitavih obitelji dovodi se u pitanje. Agencija za sigurnost hrane pokušava preko nadležnog organa Europske unije osigurati stručni pregled postrojenja i objekata za proizvodnju livanjskog sira, međutim, očigledno to ide teško i veoma sporo. Koliko je Ministarstvo vanjske trgovine i ekonomskih odnosa uključeno u rješavanje ovog problema?“

Na postavljeno delegatsko pitanje, Savjet ministara Bosne i Hercegovine je na 56. sjednici održanoj 10.07. 2013. godine, utvrdio sljedeći

ODGOVOR

Agencija za sigurnost hrane nije institucija koja je direktno zadužena za komunikaciju sa DG SANCO-om o pitanjima vezanim za organizaciju dolaska FVO inspekcije već je to Kancelarija za veterinarstvo Bosne i Hercegovine, kao upravna organizacija u sastavu Ministarstva spoljne trgovine i ekonomskih odnosa Bosne i Hercegovine, koja u saradnji sa nadležnim organima entiteta iz oblasti veterinarstva (ministarstva i inspeksijske uprave) u kontinuitetu sprovodi aktivnosti koje se odnose na obezbjeđenje potrebnih uslova za izvoz proizvoda životinjskog porijekla u Evropsku uniju, a samim tim i nastavak izvoza određenih proizvoda životinjskog porijekla u Republiku Hrvatsku nakon njenog pridruživanja Evropskoj uniji.

Jedna od grupa proizvoda koje predstavljaju apsolutni prioritet u cilju obezbjeđenja uslova za izvoz, pored mesa peradi, proizvoda mesa peradi, konzumnih jaja i meda, jesu mlijeko i proizvodi od mlijeka. Kako bi se obezbijedio izvoz u Evropsku uniju, jedan od nužnih koraka predstavlja obavljanje stručne posjete (audita/inspekcije) inspektora Ureda za hranu i veterinarstvo Evropske unije (Food and Veterinary Office-FVO) za onu vrstu proizvodnje za koju se traži izvoz u Evropsku uniju, odnosno povoljan ishod i pozitivnu ocjenu u izvještaju nakon njenog završetka.

Prije dolaska inspekcije FVO, bilo je potrebno obezbijediti i niz drugih preduslova koji uključuju izradu legislativnog okvira, njegovu implementaciju i sprovođenje određenih godišnjih programa monitoringa (npr. plan praćenja rezidua veterinarskih lijekova) koji su dostavljani Evropskoj komisiji na procjenu i odobravanje.

Kancelarija za veterinarstvo Bosne i Hercegovine još od 2011. godine je inicirala uvrštavanje Bosne i Hercegovine na listu inspekcija FVO prije svega u cilju ostvarivanja izvoza za mlijeko i proizvode od mlijeka i meso peradi, proizvode mesa peradi i konzumna jaja.

Rezultat ovakvih iniciranja je bio uvrštavanje Bosne i Hercegovine na listu posjeta FVO u cilju odobravanja izvoza mesa peradi, proizvoda mesa peradi i konzumnih jaja za 2012. godinu, koja je izvršena krajem januara i početkom februara 2012. godine. Rezultat te misije FVO je bio 12 preporuka za koje je bilo potrebno pripremiti akcioni plan i realizovati ga. Neke od ovih preporuka su u međuvremenu riješene dok je za određene potrebno duže vremena. Nakon ove posjete, Kancelarija za veterinarstvo Bosne i Hercegovine je nastavila redovno, svakog mjeseca da izvještava službe Evropske komisije o učinjenom napretku u realizaciji preporuka dobivenih od FVO, ali i drugih ekspertske misije, a sve u cilju da se obezbijedi inspeksijska misija FVO u Bosni i Hercegovini za procjenu mogućnosti izvoza mlijeka i proizvoda od mlijeka.

Pismeni zahtjev za uvrštavanje Bosne i Hercegovine na listu posjeta FVO za mlijeko i proizvode od mlijeka je ponovo upućen Generalnoj Direkciji za zaštitu zdravlja potrošača (DG SANCO) 10. decembra 2012. godine. Od strane Generalne Direkcije za zaštitu zdravlja potrošača (DG SANCO) 19. februara 2013. godine, dobiven je odgovor da je potrebno da nadležni organi u Bosni i Hercegovini dostave odgovore na pitanja Pred-misijskog upitnika FVO, te da će se procjenom stanja na osnovu odgovora u upitniku izvršiti procjena da li će Bosna i Hercegovina biti uvrštena na listu posjeta FVO. Nažalost, pred-misijski upitnik koji je zaprimljen od strane Evropske komisije nije bio kompletan iz tehničkih razloga, te je tek 28. februara na sastanku Privremenog odbora za poljoprivredu, bezbjednost hrane i ribarstvo između Bosne i Hercegovine i Evropske komisije, delegaciji Bosne Hercegovine dostavljen kompletan pred-misijski upitnik.

Takođe, važno je napomenuti da je inicijativa za uvrštavanje Bosne i Hercegovine na listu posjeta FVO ponovljena i na navedenom sastanku Privremenog odbora za poljoprivredu, bezbjednost hrane i ribarstvo, kao i na tehničkom sastanku-video konferenciji održanoj 25.04.2013. godine u prostorijama Delegacije Evropske unije u Sarajevu. Na ovim sastancima su precizirane preporuke koje je potrebno realizovati, kako bi se obezbjedili pozitivna ocjena i izvještaj nakon eventualne misije FVO. Preporuke su se prije svega odnosile na utvrđivanje jasnog komandnog lance nadležnih organa u Bosni i Hercegovini.

Nakon objedinjavanja pristiglih odgovora od nadležnih organa koji su bili nosioci pojedinačnih aktivnosti za pripremu odgovora na pitanja iz pred-misijskog upitnika FVO, Kancelarija za veterinarstvo BiH je dostavila pred-misijski upitnik i rezultati evaluacije upitnika u cilju uvrštavanja Bosne i Hercegovine na listu posjeta za procjenu ispunjenosti uslova za izvoz mlijeka i proizvoda od mlijeka od strane FVO, se očekuje u narednom periodu.

U međuvremenu, ostvaren je još jedan značajan iskorak u cilju odobravanja izvoza mlijeka i proizvoda od mlijeka, jer je od strane FVO odobren plan praćenja rezidua veterinarskih lijekova za ovu grupu proizvoda (kao i za meso peradi, konzumna jaja i med), te je Bosna i Hercegovina uvrštena na listu zemalja sa odobrenim planom praćenja rezidua za ovu grupu proizvoda. Treba napomenuti da je ovo bio jedan od osnovnih preduslova u cilju odobravanja izvoza.

Važno je imati na umu da je koncepcija posjeta FVO usmjerena na procjenu funkcionisanja sistema službenih kontrola koje sprovode nadležni organi i ima sektorsko usmjerenje za onu grupu proizvoda za koje se zahtijeva izvoz. U praktičnom smislu, to bi značilo da bi se eventualnom posjetom FVO za mlijeko i proizvode od mlijeka vršila procjena sektora mljekarstva uopšte, a ne samo u smislu pojedinačnih objekata/proizvođača.

U svrhu eventualnih posjeta FVO inspekcije od strane nadležnih organa zemlje koja je predmet inspekcije (u ovom slučaju u Bosni i Hercegovini) predlažu se objekti koji se nalaze u planu posjete FVO inspektora, a preko tih posjeta se vrši procjena funkcionisanja sistema kontrola koje sprovode nadležni organi, kao i sprovođenje obaveza od strane predloženih objekata.

Dakle, ukoliko bi se prilikom eventualne inspeksijske posjete FVO dobili pozitivni izvještaji/ocjene sistema kontrola i sprovođenja obaveza proizvođača/subjekata u poslovanju,

od strane Evropske komisije bi bila prihvaćena već pripremljena lista objekata odobrenih za izvoz u Evropsku uniju, među kojima su i mljekare iz Livna koje proizvode poznati livanjski sir. Osim objekata koji su uvršteni na ovu listu, isto tako bi se omogućilo proširenje liste (odnosno uvrštavanje dodatnih objekata) na prijedlog Kancelarije za veterinarstvo Bosne i Hercegovine, koja bi to obavljala u saradnji sa nadležnim organima entiteta. Ovo je vrlo bitno, jer se pozitivnom ocjenom FVO inspekcije u suštini potvrđuje uspostavljenost sistema, a samim tim potvrda da nadležni organi (u našem slučaju Kancelarija za veterinarstvo) mogu garantovati da i novopredloženi objekti ispunjavaju propisane uslove Evropske unije, i staviti ih na listu odobrenih objekata iz kojih se proizvodi mogu izvoziti na EU tržište.